



LETSIE III
THE ROYAL PALACE MASERU - KINGDOM OF LESOTHO

MOLAETSA OA MOTLOTLEHI LETSIE III OA SELEMO SA 2022

SECHABA SA HESO,

KE NTSE KE LEBOHA MORENA MOLIMO HA A BOETSE A MPHILE MONYETLA OA HO BUA LE LONA, HO LE LUMELISA, LE HO LE LAKALETSA MAHLOHONOLO A SELEMO SE SECHA HOHLE MOO LE LENG TENG. JOALOKA MEHLA, KE LAKATSA HO QALA KA HO LEBOHA 'MOPI HA A RE TSAMASITSE LEETO LA SELEMO KAOFELA, TLASA TŠIRELETSO LE TATAISO EA HAE, HO FIHLELA NAKONG ENA EO RE KHAOLANG SELEMO LE HO AMOHELA SE SECHA.

BOHLE RE BONE HORE SELEMO SA LIKETE TSE PELI LE MASHOME A MABELI A MOTSO O MONG (2021) E BILE SELEMO SA MATHATA A MANGATA JOALO KA SELEMO SE TLILENG PELE HO SONA SA LIKETE TSE PELI LE MASHOME A MABELI (2020). SEOA SA COVID-19 SE NTSE SE TSOELAPELE HO TLISA MAHLOMOLA LE PHEREKANO LINAHENG TSA LEFAATŠE, HO KENYELETSA LE NAHA EA HABO RONA EA LESOTHO.



LETSIE III
THE ROYAL PALACE MASERU - KINGDOM OF LESOTHO

LE TLA HOPOLA HORE MATHOASONG A SELEMO SENA SEO RE SE FURALLANG, RE ILE RA HLAELOA KE SETSOKOTSANE SE MATLA SA LITŠOAETSO TSA COVID-19 HOO BANA BABO RONA BA BANG BA ILENG BA LAHLEHELOA KE BOPHELO. LE HONA JOALE, SEOA SENA SE NTSE SE TSOELAPELE HO KULISA, ESITA LE HO TIMETSA BARATUOA BA RONA. KA LEBAKA LENA, KE KOPA HO NKA MOTSOISO ONA HO HOPOLA KA HLOMPHO LE LERATO, BARATUOA BAO BA RONA BA FALLETSING KA LEBAKA LA COVID-19, LE KA LITSELA TSE LING TSE FAPANENG; 'ME KE KOPELA MEEA EA BONA PHOMOLO E SA FELENG HO MORENA MOLIMO. E SE E KA RAMASELI A KA TŠELISA MALAPA OOHLE A LAHLEHETSOENG KE BARATUOA, METSOALLE LE BANA BA BO BONA.

HO HLAKILE BASOTHO BA HESO HORE KOKOANA-HLOKO ENA EA COVID-19, KE KOKOANA-HLOKO E MANGANGA, E HANANG HO RE TLOHELA. KA HONA, KE NKA MONYETLA ONA HO KHOTHALETSA BOOHLE HO AMOHELA BOELETSI BOO RE BO FUOANG KE BO- RAMAHLALE LE LITSIBI TSA BOPHELO BA HO LOANTŠA LE HO FOKOTSA SEKHAHLA SA TŠOAETSO. BOELETSI BO KA SEHLOOHONG BOO RE TLAMEHANG HO BO AMOHELA KA HOHLE, KE BA HO FUMANA ENTE.



LETSIE III
THE ROYAL PALACE MASERU - KINGDOM OF LESOTHO

MOLEMO OA LIENTE TSENA O MOHOLO KE HO FOKOTSA MONYETLA OA HO KULA HAMPE LE HO FOKOTSA MONYETLA OA HO LAHLEHELOA KE BOPHELO. LEHA RE ENTILE RE NTSE RE LOKELA HO IPABALLA KA HO ROALA LIMONKOANA, KA HO QOBA LIKOPANO TSE NANG LE BATHO BA BANGATA LE KA MEKHOA E MENG EO KE LUMELANG HORE RE SE RE E TSEBA JOALE.

SELEMONG SENA SEO RE SE FURALLANG RE BONE HA LIPULA LI E NA KA LIFEFO LE LIKHOHOLA TSE MATLA. REA TSEBA, EBILE RE BONE, HORE LIPULA TSA MOFUTA ONA LI BAKA TŠENYO E KHOLO THEPENG EA SECHABA JOALO KA LITSELA, MAROKHO, MATLO, ESITA LE LIJALO MASIMONG. MAEMO ANA A HLOBAETSANG KE LETŠOAO LE HLAKILENG LA HORE PHETOHO EA LEHOLIMO E FELA E LE NTHO E TENG, E TLA AMA BOPHELO BA SECHABA SA BASOTHO, LE BOPHELO BA LICHABA TSOHLE TSA LEFAATŠE KA MOKHOA O TEBILENG. KA LEBAKA LENA, KE IPILE TSA HO 'MUSO OA RONA LE HO SECHABA KA KAKARETšo, HO SEBETSA KA THATA LE KA POTLAKO, HO BOPA MERALO E TLA RE THUSA HO PHELA MAEMONG ANA A PHETOHO EA LEHOLIMO, LE HO FOKOTSA LITLAMORAO TSA TENG.



LETSIE III
THE ROYAL PALACE MASERU - KINGDOM OF LESOTHO

MAFELONG A KHOELI EA PULUNGOANA, SELEMONG SENA SE FELANG, LEKHOTLA LA LIKEREKE LESOTHO, KA MEMO EA KA, LE ILE LA ETELLA-PELE MOSEBETSI OA THAPELO MOO RE NENG RE KOPA RAMASELI HO TLISETSA SECHABA SA BASOTHO LE NAHA EA LESOTHO KHOTSO LE BOTSITSO. KE ILE KA KOPA BAHLANKA BANA BA MOLIMO HO E TSA MOSEBETSI ONA OA THAPELO ELE HOBANE KE ELELLETSOE HORE HO NA LE KAROLO E 'NGOE EA SECHABA SA BASOTHO E IKEMISELITSENG HO HLORISA LE HO HLOKISA SECHABA BOTSITSO, KA HO BA BOLAEA LE HO BOLAEANA KA SEHLOHO, ESITA LE HO HLEKEFETSA BANA, BAROETSANA, BASALI LE MAQHEKOANA. JOALOKA MAOBA, KE NTSE KE LE KOPA, SECHABA SA HESO, HO PHEELLA HO RAPELLA BASOTHO BANA BA LEBETSENG LE HO FURALLA METHEO EA RONA EA KHOTSO, KA TŠEPO LE TUMELO EA HORE BA TLA KHUTLA MEKHOENG ENA EA BONA E MEBE. LITHAPELONG TSA RONA, RE KOPE HORE MORENA MOLIMO A KE A AME LIPELO TSA BONA, 'ME LI NOLOFALE, LI TLALE MOHAU, LERATO LE QENEHELO.

BASOTHO BA KHABANE,



LETSIE III
THE ROYAL PALACE MASERU - KINGDOM OF LESOTHO

KEA TSEBA HORE LE LEBELLETSE HORE NAHA EA LESOTHO E TLA TŠOARA LIKHETHO TSE AKARETSANG SELEMONG SENA SE TLANG. KAHA LIKHETHO TSENA TSA SELEMO SA LIKETE TSE PELI, MASHOME A MABELI A METSO E 'MELI (2022) LI TLA BE LI LOKISELITSOE LE HO ETELLOA-PELE KE MOSEBETSI ONA O MOHOLO OA TLHOPHO-BOCHA, TEBELLO EA RONA BOHLE KE HORE E TLA BA LIKHETHO TSE HLOEKILENG, TSE TLA KHUTLISE TSA NAHA EA RONA BOTSITSONG LE KHOTSONG EA 'NETE. KA HONA, KE KOPA BANNA LE BASALI BA FUEENG BOIKARABELLO BA HO ETELLAPELE LE HO TATAISA MOSEBETSI ONA O BOHLOKOA OA TLHOPO-BOCHA HORE BA SEBETSE KA THATA, KA BOHLALE LE KA HLOKOLOSI HO BONA HORE MOSEBETSI ONA O KHOTSOFATSA LITLHOKO LE LITEBELLO TSA BASOTHO.

BASOTHO BA HESO, NTUMELLENG KE HLE KE NKE MONYETLA ONA, HO IPILE TSA HO LONA, MOHLOMONG LE HO LE ELE TSA, HORE HA NAKO EA LIKHETHO E FIHLA, LE TLE LE SEBELISE TOKELO EA LONA EA HO KHETHA KA TSELA E HLOKOLOSI; LE TLE LE KHETHE BAETAPELE LE BAKHETHOA BAO LE IKHOLISITSENG HANTLE HORE BA TLA BEHA LITLHOKO TSA NAHA LE SECHABA KA PELE LE KA HOLIMO HO LITAKATSO TSA BONA TSA BOTHO. HAPE LE IKHOLISE KA HO TLALA



LETSIE III
THE ROYAL PALACE MASERU - KINGDOM OF LESOTHO

HORE BA TLA JALA MOEA OA LERATO, KUTLOANO LE KHOTSO LIPELONG LE LIKELELLONG TSA BALATELI BA BONA LE HO SECHABA KA KAKARETSO. LE NTSE LE HOPOLA HORE MAKHABANE A MAHOLO, HO MOTHO OFE KAPA OFE, HAHOLOHOLO HO MOTHO EA IPITSANG LE HO TŠEPELOA BOETAPELE, KE TLHOMPHO EA MOLAO LE TSAMAISO EA MOLAO (RULE OF LAW).

HAEBA KE HOPOLA HANTLE, LIKHETHONG TSE FETILENG TSA 2017, KAROLO EA SECHABA E NANG LE TOKELO EA HO KHETHA E ILENG EA KHETHA E BILE FEELA LINOKO TSE MASHOME A MANE A METSO E TŠELETSENG LEKHOLONG (46%). LIPALO TSENA LI TLASE HAHOLO. SENA MOHLOMONG SE BONTŠA HORE TŠEPO EA SECHABA LIPOLOTIKING LE PUSONG EA LIPOLOTIKI E NTSE E QEPHA. KA LEBAKA LENA KE SE KE IPILE TSA HO MONNA LE MOSALI E MONG LE E MONG EA TLA IKETA LIKHETHONG TSE TLANG, HORE HAEB A MONOANA OA SECHABA O KA MO SUPA, A IKANE, KA PELONG EA HAE, HO SEBELE TSA SECHABA LE NAHA KA BOITELO, BOTŠEPEHI, LERATO LE QENEHELO. HAEB A BAKHETHOA BA KA TŠEPAHALLA LIKANO TSEO TSA BONA, KE LUMELA KA TIEO HORE TŠEPO EA SECHABA PUSONG EA LIPOLOTIKI E

